

## Svar

**félags- og barnamálaráðherra við fyrirspurn frá Halldóru Mogensen  
um vinnu Tryggingastofnunar ríkisins  
við leiðréttingu búsetuhlutfalls örorkulífeyrisþega.**

1. *Hversu margir örorkulífeyrisþegar munufá eða hafa fengið endurskoðun og leiðréttingu búsetuhlutfalls í kjölfar álits umboðsmanns Alþingis nr. 8955/2016?*

Endurskoðun á búsetuhlutfall nær til allra greiðsluþega sem fengu afgreiddan örorkulífeyri frá 1. júní 2014. Í janúar 2019 voru þetta 1.343 einstaklingar.

2. *Hversu margir þeirra hafa þegar fengið leiðréttingu búsetuhlutfalls og hversu margir eru enn að bíða eftir niðurstöðu Tryggingastofnunar?*
3. *Fyrir hversu marga hefur Tryggingastofnun ekki hafið vinnu við leiðréttingu búsetuhlutfalls?*

Í aðgerðaáætlun sem Tryggingastofnun gerði í 19. febrúar 2019 í tengslum við úrvinnslu mála skipti stofnunin í fjóra hópa þeim einstaklingum sem höfðu lækkað búsetuhlutfall vegna búsetu í öðru EES-ríki fyrir töku lífeyris. Um var að ræða eftirfarandi hópa:

- A. Greiðsluþegar sem höfðu sótt um lífeyri frá öðru EES-ríki og fengið synjun þaðan.
- B. Greiðsluþegar sem höfðu sótt um lífeyri frá öðru EES-ríki.
- C. Greiðsluþegar sem höfðu sótt um og fengið samþykkta greiðslu frá öðru EES-ríki.
- D. Greiðsluþegar búsettir erlendis.

Eftirfarandi tafla sýnir stöðu mála í desember 2019:

Afgreiðslu lokið	342
Vinnsla hafin	
– Upplýsingabréf send	
– Fyrirspurnir til annarra landa	199
Bréf um að senda þurfí umsókn	235
– Þar af umsóknir í ferli	86
Vinnsla ekki hafin	491
Dánarbú – vinnsla ekki hafin	76

Samkvæmt þessu var leiðréttingu búsetuhlutfalls lokið hjá 342 einstaklingum í desember 2019 en 1.001 máli ólokið. Af þeim málum sem var ólokið hefur stofnunin hafið vinnu við leiðréttingu búsetuhlutfalls í 434 tilfellum en vinnsla er ekki hafin í 567 málum, þar af 76 dánarbúum.

4. *Hefur leiðréttning Tryggingastofnunar náð til þeirra sem fengu greiddan örorkulífeyri í samræmi við útreikningsreglu fyrir búsetuhlutfall sem ekki var í samræmi við lög, sbr. álit umboðsmanns Alþingis nr. 8955/2016, og urðu 67 ára eftir 1. júní 2014?*

Allir sem voru með skráð örorkumat 1. júní 2014 verða endurskoðaðir.

Svör við framangreindum spurningum eru byggð á upplýsingum frá Tryggingastofnun ríkisins.

